

O'zbekiston OVOZI

Barchaga g'amxo'rlik — davlatning burchi

3 декабрь — Халқаро ногиронлар куни



ТАРАҚҚИЁТГА
ХИЗМАТ
ҚИЛАДИГАН
ТАШАББУСЛАР

2 САҲИФА



ҲАЁТ БИЛАН
ЮЗМА-ЮЗ

3 САҲИФА



МАТБУОТГА
ЭЪТИБОР ВА
РАҒБАТ КЕРАК!

4 САҲИФА



ЯНГИ
ИНШООТ

6 САҲИФА



**БИЗГА КУЛГУЛАРИНГ
КЕРАК, БОЛАЖОН!**

Суратда: Соғлиқни сақлаш вазири ўринбосари Элмира Боситхонова ва 100-сонли таянч ҳаракати аъзоларида нуқсонли бўлган болалар учун ихтисослаштирилган мактаб-интернати ўқувчиси Ирода Урозова.

ОБУНА — 2022

Энди «Ўзбекистон овози»
газетасига

CLICK ВА Payme

иловалари орқали
обуна бўлишингиз
мумкин.

Нашр
кўрсаткичи —
220.

Боғланиш учун
телефонлар:

(71) 276-20-67, (71) 276-10-91.



1-dekabr, chorshanba, 2021-yil.
№48 (32690)

Улуғбек ИНОЯТОВ,
ЎзХДП Марказий Кенгаши
раиси, Олий Мажлис
Қонунчилик палатасидаги
партия фракцияси раҳбари.

ТАРАҚҚИЁТГА ХИЗМАТ ҚИЛАДИГАН ТАШАББУСЛАР

Иқтисодий ҳамкорлик ташкилоти ҳудуди тарихи, дини, маданияти ва қадриятлари муштарак, улкан имкониятларга эга бўлган минтақада. Дўст давлатларимизни азалдан ўзаро хурмат ва ишонч муҳити, савдо ва транспорт-коммуникация алоқалари чамбарчас боғлаб туради.

Шу нуқтаи назардан Президент Шавкат Мирзиёевнинг Ашхабодда бўлиб ўтган ИХТнинг навбатдаги 15-саммитида илгари сурган таклифлари иқтисодий ўсишнинг асосий драйвери савдо ва инвестиция алоқаларини кучайтириш гарови бўлиб хизмат қилади. Бу Ўзбекистоннинг янги очкилик ва яхши кўшничилик сиёсатининг мантиқий давомидир. Зеро, Ўзбекистон барча минтақавий ташкилотлардаги иштирокини фаоллаштириб, халқаро миқёсда дадил ташаббусларни илгари сурмоқда.

Хусусан, Ўзбекистон томонидан ИХТга аъзо давлатларнинг ўзаро инвестициялар оқимини кўпайтириш ва уларнинг ишончли ҳимоясини мустаҳкамлаш, шунингдек, қўшма ҳаракатлар дастурини қабул қилиш ташаббусини алоҳида қайд этиш керак. Бу ўзаро савдо ҳажмларини ошириш, минтақавий аҳамиятга эга лойиҳаларни ишлаб чиқиш ва жаҳон бозорлари умумий рақобатбардошликни кучайтиришга имкон беради. Илгари сурилган таклифларнинг амалда бажарилиши ИХТ доирасидаги савдо-сотик жараёнида мавжуд тўсиқларни бартараф этиш, транзит юк ташишни оптималлаштириш учун шароит яратишга хизмат қилади. Бу ташкилот аъзолари учун ҳам, унинг халқаро ҳамкорлари учун ҳам фойдалидир, чунки барча экспортчи ва импортчилар савдо тартиб-қоидаларини соддалаштиришдан манфаатдордир.

Ашхабод саммити ва унда кўтарилган ташаббуслар Ўзбекистон Халқ демократик партияси электорати манфаатлари нуқтаи назаридан ҳам аҳамиятлидир.

Биринчидан, эришилган аҳдономалари, келишувлар амалга ошса, аъзо давлатлар ўртасида маблағлар, товарлар ва хизматлар эркин айланиши таъминланади. Бу янги бозорлар пайдо бўлиши, янги иш ўринлари яратилиши, барқарор даромад манбаи мустаҳкамланиши, хизмат турларини кенгайтириш, демакдир.

Иккинчидан, минтақаларимизнинг транспорт йўлакларини кенгайтириш ва транзит салоҳиятини ошириш, ўзаро иқтисодий ҳамкорлигимизни янада жадаллаштирилади. Шу билан бирга, янги таклиф этилган Мозори Шариф – Кобул – Пешовар темир йўлининг қурилиши Афғонистонни кенг минтақаларимизга интеграция қилиш ва барқарор тараққиётни таъминлашда улкан аҳамият касб этади. Мазкур транспорт йўлаклари ҳам маҳсулотларимизнинг арзон нархларда жаҳон бозорига чиқариш имкониятини яратди. Демак, экспортчи олган даромади, фойдаси ҳисобига ишчининг моддий манфаатдорлиги таъминланади, фаровонлиги ошиб, турмуш шароити яхшиланади.

Учинчидан, 500 миллиондан ортиқ аҳоли яшайдиган, улкан бозорга эга бўлган мамлакатларимизнинг қабул қилинган "ИХТ истиқболлари – 2025" концептуал дастури асосида савдо ва инвестиция соҳаларидаги катта имкониятларидан тўлиқ фойдаланилса, юртимизга, минтақамизга катта миқдорда сармоялар кириб келади, бунинг шарофатидан юртдошларимиз ҳам, ташкилотга аъзо давлатлар аҳолиси ҳам бирдек фойда кўради. Бу ҳам қўшимча иш ўринлари, аҳолининг реал даромадлари ошиши гаровидир.

Давлат раҳбарининг Бирлашган Миллатлар Ташкилотининг Саноатни ривожлантириш ташкилоти (ЮНИДО) ва Марказий Осиё иқтисодиёти учун Махсус дастури (СПЕКА) билан ҳамкорликда Ташкилот доирасида Савдо, инвестициялар ва инновациялар марказини ташкил этиш таклифи, шубҳасиз, ИХТнинг мавқеини мустаҳкамлайди ҳамда бирлашма доирасида кўп томонлама ҳамкорликни амалий ва сезиларли даражада кенгайтиришга хизмат қилади. Ташкилот доирасида савдо тўсиқларини олиб ташлаш, божхона процедураларини рақамлаштириш ва электрон тижоратни жорий этишни ўз ичига олиши керак бўлган янгилашган ва кенг қамровли Савдо битимини қабул қилиш таклифи ҳам амалий натижаларга асос бўлади, деб ўйлаймиз.

Иқтисодий ҳамкорлик ташкилоти аъзолари, маълумотларга кўра, 8 миллион километр масофани қамраб олган юртлар бўлиб, Осиё қитъасининг 20 фоизини ва жаҳоннинг 6 фоиз қисmini ташкил этади. Бу давлатлар ўртасидаги ўзаро товар айланмаси эса 600 миллиард долларни ташкил этади.

Саммитда илгари сурилган таклиф ва ташаббуслар Ўзбекистоннинг халқаро ва минтақавий саҳнадаги мавқеини мустаҳкамлайди. Мамлакатнинг кучли тараққий топган давлатлар сафидан мустаҳкам ўрин олишига пойдевор бўлади, халқимизнинг фаровонлигини, ҳуқуқ ва манфаатларини таъминлаш гарови бўлиб хизмат қилади.

САЙЛОВЧИ ОЛДИДАГИ МАСЪУЛИЯТ

ЎЗБЕКИСТОН ХАЛҚ
ДЕМОКРАТИК ПАРТИЯСИ
САЙЛОВЧИ ДАСТУРИДА
БЕЛГИЛАНГАН ВАЗИФАЛАРНИНГ
ИЖРОСИНИ ТАЪМИНЛАШДА
ПАРТИЯНИНГ ҚОНУНЧИЛИК
ПАЛАТАСИДАГИ ФРАКЦИЯСИНИНГ
ЎРНИ, АЛБАТТА, БЕКИЁС.
ҚАЙД ЭТИШ КЕРАК,
ФРАКЦИЯ СИЁСИЙ ПАРТИЯДАН
КЎРСАТИЛГАН ДЕПУТАТЛАР
ТОМОНИДАН СИЁСИЙ ПАРТИЯ
МАНФААТЛАРИНИ ҚОНУНЧИЛИК
ПАЛАТАСИДА ИФОДАЛАЙДИГАН
МЕХАНИЗМДИР.



**Парламент тарихида
илк бор 2019
йилдан бошлаб,
Президентнинг
Олий Мажлисига
Мурожаатномасидан
келиб чиқадиغان,
тегишли йилга
мўлжалланган
давлат дастури
бажарилишининг
бориши тўғрисида ҳар
чоракда ҳукуматнинг
ҳисоботини кўриб
чиқиш амалиёти йўлга
қўйилди.**

Олий Мажлис Қонунчилик палатасидаги Ўзбекистон ХДП фракцияси томонидан қонун ижодкорлиги, жойлардаги тизимли муаммоларни ҳал этиш, Президент Фармон ва қарорларининг мазмун-моҳиятини халқимизга етказиш борасида бир қатор ишлар амалга оширилди. Хусусан, жорий йилнинг ўтган даври давомида Қонунчилик палатаси томонидан 4 та ҳукумат соати ўтказилган бўлса, улардан 2 таси, 7 та парламент сўровидан 2 таси, 5 та парламент эшитувидан 1 таси Ўзбекистон ХДП фракциясининг ташаббуси билан амалга оширилганини алоҳида таъкидлаш жоиз.

Биргина мисол. Жорий йилнинг 25 март куни фракциянинг ташаббуси асосида Қонунчилик палатасининг Меҳнат ва ижтимоий масалалар кўмитаси билан бирга Бандлик ва меҳнат муносабатлари вазири Нозим Хусановга "Фуқароларни хорижда уюшган ҳолда ишга жойлаштириш бўйича амалга оширилаётган ишлар ҳамда бу соҳадаги мавжуд муаммоларни бартараф этиш бўйича кўрилаётган чоралар тўғрисида"ги Парламент сўрови юборилди.

Шунингдек, Олий ва ўрта махсус таълим вазири Абдуқодир Тошқуловнинг "Олий таълим муассасаларида таҳсил олаётган талабаларни турар жойлар билан таъминлаш борасида амалга оширилаётган ишлар тўғрисида"ги ҳамда Бандлик ва меҳнат муносабатлари вазирининг биринчи ўринбосари Эркин Муҳитдиновнинг "Аҳолини иш билан таъминлаш ва янги иш ўринларини ташкил этиш бўйича давлат буюртмасининг шакллантирилиши ҳамда унинг бажарилиши борасидаги ишлар тўғрисида"ги ахбороти Ҳукумат соатида эшитилди.

Шунинг билан бирга, партия ташаббуси билан Парламент эшитишда Соғлиқни сақлаш вазири ўринбосари – Санитария-эпидемиологик осойишталик ва жамоат саломатлиги хизмати бошлиғи Баҳоқир Юсупалиев ҳамда Инновацион ривожланиш вазири Иброҳим Абдурахмоновнинг «Ўзбекистон Республикасида коронавирус пандемияси даврида аҳоли саломатлигини муҳофаза қилиш ва санитария-эпидемиологик осойишталикни таъминлаш борасида амалга оширилаётган чора-тадбирлар, шу жумладан аҳолини коронавирუსга қарши эмлаш борасида режалаштирилаётган ишлар тўғрисида»ги ахборотлари эшитилди.

Эътиборлиси, парламент тарихида илк бор 2019 йилдан бошлаб, Президентнинг Олий Мажлисига Мурожаатномасидан келиб чиқадиган, тегишли йилга мўлжалланган давлат дастури бажарилишининг бориши тўғрисида ҳар чоракда ҳукуматнинг ҳисоботини кўриб чиқиш амалиёти йўлга қўйилди. Ҳисоботни эшитишда фракция ўз ташаббу-

сини амалга ошириб, ўзига хос намуна бўлиб келмоқда.

Ушбу тизим ҳукуматнинг халқ вакиллари олдидаги масъулиятини ошириш билан бирга, фракция аъзоларининг ҳам ислохотларни амалга ошириш жараёнида фаол иштирок этишини таъминламоқда.

Ҳисобдорликнинг бундай шакллари-нинг жорий этилиши ҳукумат фаолиятининг очкилиги ва ошқоралиги ҳамда масъулиятини, фуқароларнинг давлат институтлари фаолиятдан хабардорлик даражасини тубдан оширишга хизмат қилмоқда.

Фракция томонидан мамлакатни ижтимоий-иқтисодий ривожлантиришнинг энг долзарб масалалари юзасидан 14 мартаба нazorat-таҳлил тадбирлари ўтказилди.

Депутатларнинг жойларда ўтказилган ўрганишлари, сайлов округларида сайловчилар билан учрашувлари жараёнида ва фуқароларнинг мурожаатларида кўтарилаётган долзарб муаммоларни ҳал этиш учун давлат ҳокимияти ва бошқарув органларининг мансабдор шахсларига жами 84 та депутат сўрови юборилди. Бу рақам Қонунчилик палатаси томонидан умумий юборилган депутат сўровининг 22 фоизини ташкил этади.

Депутатлик сўровларининг 21 таси Халқ таълим вазирлигига, 20 таси Соғлиқни сақлаш вазирлигига, 15 таси Мактабгача таълим вазирлигига, 10 таси Транспорт вазирлигига, 18 таси бошқа турли вазирлик ва идораларга тўғри келади.

Халқ билан очик самарали мулоқот олиб бориш, жойларда аҳолини қийнаётган муаммоларни ўрганиш ва ҳал қилиш, фуқаролар томонидан кўтарилаётган масалаларни Ҳукумат ва ижро ҳокимияти олдида қўйиш фракция аъзолари фаолиятининг асосий мезонига айланмоқда.

Фракция аъзоларига жами 2133 та ёзма, виртуал ва оғзаки мурожаатлар келиб тушган. Мурожаатларнинг барчаси белгиланган тартибда ўрганиб чиқилиб, шундан 912 таси қонунчиликка асосан тегишлилиги бўйича вазирлик ва ташкилотларга юборилиб, муҳокама-лар ўтказилди. Мурожаатларнинг 1120 тасини ижобий ҳал этишга эришилди.

Бугунги кунда фракция аъзоларининг ҳар ой охирига ҳафтасида сайлов округларига чиқиб, аҳоли ва сайловчиларни ўйлантираётган муаммоларни тизимли равишда ўрганиб бораётганликлари камчиликларни ўз вақтида бартараф этиш ҳамда одамларни рози қилишда муҳим аҳамият касб этмоқда.

Сайлов округларида ўтказилган учрашувларда фуқароларни мамлакатимизда амалга оширилаётган кенг кўламли демократик ислохотларнинг бориши, Қонунчилик палатасининг қонун ижодкорлиги, парламент назо-

рати йўналишидаги ишлари билан таъминлаш, жойларда ҳуқуқни қўллаш амалиётини ўрганиш ва сайловчиларни қийнаб келаётган муаммоларни чуқур таҳлил қилиб, унинг натижасида қонун ҳужжатларини янада такомиллаштириш бўйича қатор таклифларни ишлаб чиқишга эътибор қаратилди.

Шунингдек, кейинги пайтларда мамлакатимизда ислохотларнинг марказий нуқтасига чиқаётган муҳим соҳалар – соғлиқни сақлаш, хусусан, аҳолига тиббий хизмат кўрсатиш сифати ва самарадорлигини ошириш ҳамда таълим соҳасини янада яхшилаш ва ривожлантириш борасидаги ишларнинг бугунги ҳолатини ўрганиш масалалари фракция депутатларининг диққат марказида бўлиб келмоқда.

Фракциянинг амалий ишларини ОАВда ёритиб бориш, сайловчиларга тезкорлик билан етказиш энг муҳим масала ҳисобланади. Биргина жорий йилнинг ўтган даври давомида оммавий ахборот воситаларида фракция аъзоларининг чиқишлари жами 4602 тани ташкил этди.

Таъкидлаш жоизки, Ўзбекистон ХДП фракцияси аъзолари ижтимоий тармоқларда ўз саҳифаларини юритиб келмоқда. Бу ҳар бир депутатнинг сайловчилар билан мустаҳкам алоқа ўрнатишини таъминлаш, Қонунчилик палатаси ҳамда фракция фаолияти ҳақида уларни мунтазам хабардор қилиб бориш, қонун лойиҳаларини кенг жамоатчилик ўртасида муҳокама қилиш, одамларни ўйлантираётган масалаларни ўрганиш кўламини янада кенгайтди.

Олий Мажлис Қонунчилик палатасидаги Ўзбекистон ХДП фракцияси ўз фаолиятини танқидий таҳлил қилиб, ташаббускорлик ва талабчанликни оширишга алоҳида эътибор қаратади.

Дурбек Худойқулов,
Олий Мажлис Қонунчилик
палатасидаги Ўзбекистон ХДП
фракцияси ижрочи котиби.



1-dekabr, chorshanba, 2021-yil.
№48 (32690)

TO HAVE AND HAVE NOT!

Яқинда КИТОБ ДЎКОНЛАРИМИЗДА ЖАҲОН АДАБИЁТИНИНГ ЯНА БИР ДУРДОНАСИ, МИЛЛИОНЛАБ ЎҚУВЧИЛАРНИНГ ҚАЛБИНИ ЗАБТ ЭТГАН БИР РОМАН ПАЙДО БЎЛДИ. МАЗКУР ЯНГИ ТАРЖИМА АСАР КЎПЧИЛИКНИНГ ЭЪТИБОРИНИ ТОРТДИ. ДУНЁДА КАТТА ТАЛАБ БИЛАН ЎҚИЛАЁТГАН УШБУ БЕСТСЕЛЛЕР ЎЗБЕК ТИЛИГА БИРИНЧИ МАРОТАБА ЎГИРИЛДИ. БУ – ЭРНЕСТ ХЕМИНГУЭЙНИНГ 1937 йилда НАШР ЭТИЛГАН РОМАНИ. ИНГЛИЗ ТИЛИДАГИ НОМИ TO HAVE AND HAVE NOT. ТАРЖИМОН КИТОБНИ “БОРЛИҚ ВА ЙЎҚЛИК”, ДЕБ ЎГИРИБДИ.

Айрим китобсеварлар аллақачон у ҳақида эшитган ва ёки ўқиб чиқишга ҳам улгуришгандир. Эшитмаганлар учун Эрнест Хемингуэйнинг “Борлиқ ва йўқлик” асари ҳақида қисқача маълумот бермоқчимиз.

АСЛИЯТНИНГ КУЧИ

Жуда кўп жаҳон адабиёти дурдоналари узоқ вақтлар давомида объектив ва субъектив сабабларга кўра, аслиятдан эмас, рус тилидан таржима қилинган. Ҳатто шарқ адабиётлари ҳам ўзбек аудиториясига бошқа тил орқали кириб келган. Асл тилдан ўгириш ўша асарнинг мазмуни, маъноси, ранг-баранглик, сюжетлар, қаҳрамонларнинг туйғуларини борица тасвирлаш дегани. “Борлиқ ва йўқлик” ўртадаги воситачи тил орқали эмас, аслиятдан ўгирилди.

“КОНТРАБАНДИСТНИНГ ҚАЙТИШИ”НИНГ ДАВОМИМИ?

“Борлиқ ва йўқлик” вақтида катта шов-шувларга сабаб бўлган. Асарнинг мавзусидан ёзилиш тарихи қизиқ. 1934 йили Хемингуэй денгизда балиқ овлаб кун кечирадиган Гарри Морган ҳақида ҳикоя қилувчи “Бир рейс”, деб номланган қисса ёзади. Кейинроқ мавзуни “Контрабандистнинг қайтиши” ҳикояси билан давом эттиради. Муаллиф ўша даврдаги барча сиёсий ўйинлар, амалдорларнинг кингир ишларини очиб ташлаган. Китобхонлар орасида асар тезда қўлма-қўл бўлиб кетади. Кейин эса Хемингуэй мавзуни катта роман асосида давом эттиришга қарор қилади.



“БОРЛИҚ ВА ЙЎҚЛИК” ВАҚТИДА КАТТА ШОВ-ШУВЛАРГА САБАБ БЎЛГАН. АСАРНИНГ МАВЗУСИДАН ЁЗИЛИШ ТАРИХИ ҚИЗИҚ. 1934 ЙИЛИ ХЕМИНГУЭЙ ДЕНГИЗДА БАЛИҚ ОВЛАБ КУН КЕЧИРАДИГАН ГАРРИ МОРГАН ҲАҚИДА ҲИКОЯ ҚИЛУВЧИ “БИР РЕЙС”, ДЕБ НОМЛАНГАН ҚИССА ЁЗАДИ. КЕЙИНРОҚ МАВЗУНИ “КОНТРАБАНДИСТНИНГ ҚАЙТИШИ” ҲИКОЯСИ БИЛАН ДАВОМ ЭТТИРАДИ.

БАҲОР, КУЗ, ҚИШ...

Бу асар учта бобдан иборат. Ҳар бир бобга мавсумлар номи берилган. Ҳар бир фасл турли шахслар томонидан ҳикоя қилинади. Баҳор, куз, қиш. Қиш мавсуми асарнинг энг оғриқли нуқтаси. Бош қаҳрамоннинг бутун умр тўхматлар, азоблар ичида қолиши, ёлғонлару, ёмон иллатларга қарши курашиб, охири душманлар қўлида ўлим топиши ва таҳқирланиши... ҳаммаси анча таъсирли чиққан. Якунига эса фақат Хемингуэйга хос нуқта қўйилган.

Таъкидлаш керакки, Хемингуэй Гарри Морган тимсолида ўзига хос

услугага эга эканлигини исботлаб берди. Ёзувчи бош қаҳрамон кайфиятини жисмоний заифлигига қарамасдан, руҳан дадил қиёфада тасвирлаган. Ва сиз ҳам бу образдан ижобий хулоса чиқарасиз, катта мотивация оласиз.

НЕГА ҲАДЕБ ДЕНГИЗ?

Хемингуэй аксарият асарларида денгиз билан боғлиқ воқеаларни қаламга олади. Чунки унинг болалиги денгизда ўтган. Бобоси, отаси орқали балиқчиликка қизиққан, Масалан, “Чол ва денгиз” асаридаги чолнинг катта балиқ тутиши, қирғоққача олиб келишга ҳаракат қилиши, акулаларнинг ҳужум қилиши... ҳаммасини ўзининг бошидан кечирган. Хемингуэй Биринчи жаҳон урушида Италия фронтда, Испания фронтда, Болқондаги урушларда, Иккинчи жаҳон урушида ҳам қатнашган. Кўрган-кечирганларини ўз қаҳрамонлари қиёфасида ёритган.

“... БИР ЎЗИ ҲЕЧ НИМАГА ЭРИШОЛМАЙДИ”

“Борлиқ ва йўқлик”да ҳам воқеалар денгизда кечади. Лекин унинг якуни кутганингиздек эмас, аксинча, гўё ер тескарисига айланиб кетгандек, бутунлай кутилмаган хулоса ва сиз бироз саросимага ҳам тушиб қоласиз.

Адиб китобхонга ҳаёт йўлини кўрсата олган. Гарри Морганнинг “...одамни ёлғизлатиб қўймаслик керак экан, чунки унинг бир ўзи ҳеч нимага эришолмайди”, деган хулосаси романнинг асосий ғоясидир. Лекин у бу хулосага келгунча бутун умрини, йилларини йўқотади.

Сиз йилларни ҳам, умрни ҳам йўқотманг, китоб ўқинг!

Нигора ҲАСАНОВА,
журналист.

ЯНГИ ИНШООТ

ИККИНЧИ ЭНГ ЙИРИК ГЭС ҚУРИЛИШИ УЧУН “ПСКОМ” ДАРЁСИ ТЎСИЛДИ

ТОШКЕНТ ВИЛОЯТИ БЎСТОНЛИҚ ТУМАНИДА БАРПО ЭТИЛАЁТГАН “ПСКОМ ГЭС” НИНГ БИРИНЧИ ТЎСИҚ ДАРВОЗАСИ ЁПИЛДИ. ШУ МУНОСАБАТ БИЛАН “ЎЗБЕКГИДРОЭНЕРГО” АЖ ТОМОНИДАН ТАШКИЛ ЭТИЛГАН ТАДБИРДА ХОРИЖИЙ ҲАМКОР ТАШКИЛОТЛАР МАСЪУЛЛАРИ, ЖАМИЯТ БОШҚАРУВИ РАҲБАРИЯТИ, СОҲА МУТАХАССИСЛАРИ, ҚУРИЛИШ ВА ПУДРАТ ТАШКИЛОТЛАРИ ХОДИМЛАРИ ҲАМДА ОАВ ВАКИЛЛАРИ ИШТИРОК ЭТДИ.

Тадбирда сўз олган “Ўзбекгидроэнерго” АЖ Бошқаруви раиси, сенатор Абдуғани Сангинов ва бошқалар мазкур станция қурилиши имкониятлари ва келгуси режаларга тўхталиб ўтди.

ГЭС Чорвоқ сув омборидан 45 километр тепада жойлашган. Ушбу ГЭСнинг электр энергия имконияти 400 МВтни ташкил этади. Катталиги бўйича бу гидро иншооти Чорвоқ ГЭСдан кейин иккинчи ўринни

эгаллайди. У йилига 950 миллион кВт. соат электр энергияси ишлаб чиқаради. Қолаверса, “Пском” сув омбори тўла ҳажмда 511,2 миллион куб метр сувни ташкил қилиб, ундан олинадиган самарали сув эса 468,9 миллион куб метрни ташкил қилади. “Пском” дарёсида ушбу ГЭС қурилиши мамлакатимизда ёқилғи энергетика ресурсларини самарали сақлаб қолинишини таъминлайди. ГЭС қуввати йилига 300 минг тонна шартли ёнилғи ўрнини босади ва 250 миллион куб метр табиий газни ҳам тежэйд.

Маълумотларга кўра, “Пском” дарёси гидро салоҳиятидан фойдаланиш мақсадида техник иқтисодий асоснома дастлаб 1987 йилда ишлаб чиқилган. Вазирлар Маҳкамасининг 2017 йил 12 октябрдаги ва 2018 йил 22 ноябрдаги йиғилиш баённомаларига асосан лойиҳа қидирув-тадқиқот ва дастлабки қурилиш-монтаж ишлари бошланган.

Мазкур лойиҳа қидирув-тадқиқот ишлари “Гидропроект” АЖ томонидан ишлаб чиқилган техник топшириққа асосан маҳаллий ва хорижий ташкилотлар томонидан олиб борилган. “Пском” ГЭСнинг қурилиш майдони геологик шароитлари мураккаблиги, йирик иншоотлар қурилиши режалаштирилганлигини инобатга олиб, 2018 йил 24-26 сентябрь кунлари Россия ва Украина давлатларининг гидро энергетика соҳасидаги етакчи геолог-мутахассисларини жалб қилган ҳолда “Пском” ГЭСини лойиҳалаш ва қуриш хусусиятлари” бўйича

халқаро техник конференция ўтказилган эди. Унда лойиҳаниннг геологик асосномаси ва геологик қидирув материаллари Россиянинг “Ленгидропроект” АЖ томонидан қайта кўриб чиқилган. Эслатиб ўтамиз, Президентимизнинг 2017 йил 2 майдаги “2017-2021 йилларда гидроэнергетикани янада ривожлантириш чора-тадбирлари Дастури тўғрисида”ги қарори ижроси доирасида “Пском” дарёсида умумий қуввати 1 минг 320 мегаватт ва йиллик ўртача ишлаб чиқариши 3140 миллион киловатт соат бўлган 5 та йирик гидроэлектр станциясини қуриш кўзда тутилган.

Шунингдек, “Тошкент вилояти Бўстонлиқ тумани “Пском” дарёсида “Пском” ГЭСини қуриш” инвестиция лойиҳаси доирасида умумий қиймати 799,6 миллион долларлик инвестиция ўзлаштирилиши белгиланган. Лойиҳада белгиланган ишларнинг ҳажми ва технологик мураккаблигидан келиб чиқиб, лойиҳа икки босқичда амалга оширилиши режалаштирилган.

Биринчи босқич 2018-2021 йилларга мўлжалланган бўлиб, ушбу давр мобайнида 412 миллион долларлик объектларни қуриш белгиланган. Айни пайтгача белгиланган вазифалар доирасида 1-ярус сув қабул қилиш иншооти, узунлиги 1 минг 288 метр бўлган қурилиш-эксплуатация даврида сув ўтказувчи ерости туннели, мазкур туннелга қўшилган узунлиги 285 метр бўлган 1-2-агрегатларга сув олиб келувчи ерости туннели ва 2 та сув ўтказувчи затворларни бошқариш иншооти ҳамда якуний сув ташлаш иншооти қуриб битказилди. Ҳозирда дарёдан секундига 280 метр куб сув оқиб ўтмоқда.

– Мазкур иншоотлар учун металл маҳсулотлари “Ўзбекгидроэнерго” АЖ

тизимидаги “Сувсаноатмаш” АЖ томонидан тайёрланди, – дейди “Ўзбекгидроэнерго” АЖ Бошқаруви раиси, сенатор Абдуғани Сангинов. – Шунингдек, гидромеханик ускуналар Россия Федерациясининг “Энергосила” МЧЖ томонидан етказиб берилди ҳамда бевосита металл маҳсулотлари ва ускуналарни ўрнатиш ишлари ташкилотнинг юқори малакали мутахассислари томонидан назорат қилиб борилди.

Бундан ташқари, “Пском” ГЭСининг бунёд этилиши муносабати билан 46 километр ички йўллар, 7 дона инфратузилма объекти қурилди. Бугунги кунда лойиҳа доирасида электр узатиш тармоғи, дарёнинг чап қирғоғида сув ўтказиш ерости туннелини қуриш ҳамда карьерларда иш олиб борилмоқда. Ушбу ишлар учун 2018-2021 йиллар давомида жами 91,3 миллион доллар маблағ ўзлаштирилган. 2022-2026 йилларда сув ресурсларидан самарали фойдаланиш мақсадида қиймати 1,06 миллион долларга тенг 2 дона кичик босимда ишлайдиган вақтинчалик ишчи ғилдиракларни ўрнатиш ҳисобига жами 401,5 миллион кВт. соат электр энергияси ишлаб чиқариши мўлжалланган.

Маълумот ўрнида яна шуни айтиш лозимки, 2022-2026 йилларга мўлжалланган иккинчи босқичда 387,6 миллион долларга тенг бўлган тўғон қуриш режалаштирилган. Лойиҳа тўлиқ 2026 йилда фойдаланишга топширилади. У йилига ўртача 946,1 миллион кВт.соат электр энергия ишлаб чиқариш имконини яратади.

Тоштемир ХУДОЙҚУЛОВ,
“Ўзбекистон овози” муҳбири.



Йўллар азал-азалдан одамлар узоғини яқин қилиб келган.
Равон, текис йўллар ҳар доим муҳим аҳамият касб этган.

1-dekabr, chorshanba, 2021-yil.
№48 (32690)

МУТАХАССИСЛАРНИНГ ТАЪКИДЛАШИЧА, МАМЛАКАТЛАР ИҚТИСОДИЁТИНИНГ ЎСИШИДА ЙЎЛ-ТРАНСПОРТ ИНФРАУЗИЛМАСИ ҲАМ КАТТА ЎРИНГА ЭГА БЎЛИБ, УШБУ СОҲАНИ РИВОЖЛАНТИРИШ ҲОЗИРГИ КУНДА ТОБОРА МУҲИМ АҲАМИЯТ КАСБ ЭТИБ БОРМОҚДА. ТАЪКИДЛАШ ЛОЗИМКИ, МАМЛАКАТИМИЗДА ҲАМ БУ БОРАДА КЎПЛАБ ИЖОБИЙ ИШЛАР АМАЛГА ОШИРИЛМОҚДА. ХИЗМАТ САФАРИ БИЛАН САМАРҚАНД ВИЛОЯТИДА БЎЛИБ, ЖОМБОЙ ТУМАН ЙЎЛЛАРДАН ФОЙДАЛАНИШ УНИТАР КОРХОНАСИ ФАОЛИЯТИ БИЛАН ЯҚИНДАН ТАНИШГАНИМИЗДА БУНГА ЯНА БИР БОР ИШОНЧ ҲОСИЛ ҚИЛДИК.

МАЪЛУМОТЛАРГА КЎРА, БУГУНГИ КУНДА ЖОМБОЙ ТУМАНИ ҲУДУДИДА 16 КИЛОМЕТР ХАЛҚАРО, 51 КИЛОМЕТР ДАВЛАТ, 168 КИЛОМЕТР МАҲАЛЛИЙ АҲАМИЯТДАГИ ВА 721 КИЛОМЕТР ИЧКИ ЙЎЛЛАР МАВЖУД.



ЖОМБОЙНИНГ ОЙДИН ЙЎЛЛАРИ



—Туманимиз ҳудудидан халқаро аҳамиятдаги М-39 автомобиль йўлининг 16 километри ўтган, — дейди биз билан суҳбатда Жомбой туман йўллардан фойдаланиш унитар корхонаси директори Санжар Маматқулов. — Бу йўлни сақлаш ва таъмирлаш ишлари Самарқанд йўллардан мунтазам фойдаланиш корхонаси томонидан олиб борилади. 219 километр узунликдаги давлат ва маҳаллий аҳамиятдаги автомобиль йўлларини сақлаш ва таъмирлаш ишларини эса бизнинг корхона амалга оширади. Давлатимиз томонидан берилаётган алоҳида эътибор туфайли фаолиятимизда катта ўзгаришлар бўлмоқда. Масалан, 2020 йилда 51 км узунликдаги давлат аҳамиятидаги йўллардан 49 км, яъни 96 фоиз қисми жорий таъмирланди. Шунингдек, бунга қўшимча равишда 4Р-238 автомобиль йўлининг 6-8 км оралиғида йўлни кенгайтириш ишлари олиб борилди. Шунингдек, маҳаллий аҳамиятдаги 168

км узунликдаги автомобиль йўллардан 51 км, яъни 30 фоиз қисми таъмирланди.

Йўллар азал-азалдан одамлар узоғини яқин қилиб келган. Бунда эса равон, текис йўллар ҳар доим муҳим аҳамият касб этган. Ота-боболаримиз йўл қурмоқ катта савоб эканини англаган ҳолда ҳашарлар қилиш орқали йўллар қуришганини биламиз. Албатта, ҳозирги кунда замон тараққий этиб, йўлларни қуришу сақлаш, таъмирлаш — барча-барчаси ўзгарди. Лекин элнинг йиллар, асрлар давомида синовдан ўтган ҳикматли гапининг ўзи ҳам, моҳияти ҳам ўзгариши йўқ, яъни йўл қурган элда азиз.

—Яширишнинг ҳожати йўқ, баъзан ўзаро суҳбатларда ёки ижтимоий тармоқларда йўлларнинг қониқарсиз аҳволи ҳақида ҳам гап кетиб қолади, — дейди суҳбатдошимиз. — Албатта, умумий миқёсда олиб қарайдиган бўлсак, бу борада камчиликларимиз ҳам талайгина. Аммо, ҳар бир йўл қурувчи масъулият билан ёндашиб иш тутса, бу камчиликларни тезда бартараф этамиз. Чунки давлатимиз томонидан юқорида айтилганидек, йўлларни таъмирлаш, янгиларини қуриш, умуман, ривожлантиришга катта маблағлар ажратилмоқда. Хусусан, ўтган 2020 йилнинг иккинчи ярмида Инқирозга қарши ажратилган маблағлар ҳисобидан 4К-512 автомобиль йўлининг 3

“ОБОД МАҲАЛЛА” ДАВЛАТ ДАСТУРИ ДОИРАСИДА МАҲАЛЛАЛАРНИ ОБОД ҚИЛИШ БЎЙИЧА МУТЛАҚО ЯНГИ ТИЗИМ ЯРАТИЛДИ. БУ ХАЙРЛИ ИШЛАР ЖАРАЁНИДА КЎПЛАБ ИЧКИ ЙЎЛЛАР ҲАМ ЖОРИЙ ТАЪМИРЛАНМОҚДА. БИЗ ҲАМ ШУ ИШЛАРГА МУНОСИБ ҲИССА ҚЎШИШНИ НИЯТ ҚИЛГАНМИЗ. САМАРҚАНД ВИЛОЯТИНИ ТУРИЗМ МАРКАЗИГА АЙЛАНТИРИШ БОРАСИДА АМАЛГА ОШИРИЛАЁТГАН ЭЗГУ ИШЛАР ЖАРАЁНИДА ҲАМ КЕЛАЁТГАН МЕҲМОНЛАРГА, ТУРИСТЛАРГА МУНОСИБ ШАРОИТ ЯРАТИШ МАҚСАДИДА ЯНГИ ЙЎЛЛАРНИ ҚУРИШ ВА ЖОРИЙ ТАЪМИРЛАШ ИШЛАРИ ОЛИБ БОРИЛМОҚДА.

километри жорий таъмирланди, қолган 22 км узунликдаги таъмирталаб йўллар 2021-2022 йилларда босқичма-босқич ажратиладиган маблағлар доирасида таъмирланиши режалаштирилган. Яна бир муҳим жиҳати шундаки, умумфойдаланишдаги автомобиль йўлларида 2020 йилда жами 1,9 км узунликдаги пиёдалар йўлагини қуриш ишлари амалга оширилди. Бу борадаги ишлар жорий йилда ҳам давом эттирилмоқда.

Санжар Маматқулов ёш бўлишига қарамадан етук мутахассис. У бизга корхона фаолияти билан боғлиқ ҳолда Жомбой тумани йўлларида амалга оширилаётган ишлар ҳақида батафсил маълумот берди. Суҳбатдошимизнинг айтишича, тумандаги таъмирталаб бўлиб қолган ички йўлларни жорий таъмирлаш бўйича ҳам изчил чора-тадбирлар амалга оширилмоқда. Жомбойликларнинг мурожаатларини инobatта олган ҳолда тасдиқланган дастурлардан ташқари, қўшимча равишда туман ҳокимлигининг ташаббуси билан “Гулистон”, “Холвойи” МФЙлари ҳудудида 8 км узунликдаги ички йўлларга шағал ётқизилди.

—1988 йилда Жомбой туманида туғилганман, — дейди у. — 2013 йилда Самарқанд давлат архитектура ва қурилиш институтининг автомобиль йўллар факультетини тугатиб, 2015 йилда Жомбой

йўллардан фойдаланиш унитар корхонасига муҳандис бўлиб ишга кирдим. Кейинчалик бош муҳандис бўлиб фаолият кўрсатдим, сўнгра ишонч билдирилиб, ҳозирги кунда корхона директори бўлиб ишлаб келмоқдаман. Оилада учта фарзандимиз, иккита оғам бор, ота-онам бизларни ўқимишли, юрт қорига ярайдиган фидойи инсонлар бўлишимизни хоҳлашган. Бевосита фаолиятимиз ҳақида яна сўз юритадиган бўлсам, олдимизда янада масъулиятли вазифа турибди. Гап шундаки, муҳтарам Президентимиз Шавкат Мирзиёев ташаббуси билан кейинги йилларда “Обод маҳалла” Давлат дастури доирасида маҳаллаларни обод қилиш бўйича мутлақо янги тизим яратилди. Бу хайрли ишлар жараёнида кўплаган ички йўллар ҳам жорий таъмирланмоқда. Биз ҳам шу ишларга муносиб ҳисса қўшишни ниият қилганмиз. Самарқанд вилоятини туризм марказига айлантириш борасида амалга оширилаётган эзгу ишлар жараёнида ҳам келаётган меҳмонларга, туристларга муносиб шароит яратиш мақсадида янги йўлларни қуриш ва жорий таъмирлаш ишлари олиб борилмоқда. Ана шундай эзгу ишларга ҳисса қўшаётганимиздан хурсандмиз.

Ойгул РАЗЗОҚОВА,
журналист.



РЕКЛАМА

Табриклаймиз!

1-dekabr, chorshanba, 2021-yil.
№48 (32690)



8 Декабрь

Ўзбекистон Республикасининг Конституцияси куни билан!

O'zbekiston ovozi

Bosh muharrir: To'liqin TO'RAXONOV

Navbatchi: Ravshan SHODIYEV
Sahifalovchi: Bekzod ABDUNAZAROV

MANZILIMIZ: 100135, Toshkent, Bunyodkor shoh ko'chasi, 50 «A»-uy.
Telefonlar: (71) 276-10-91, (71) 276-20-67.
E-mail: uzbovozi@mail.ru

Г — 1241. 14100 nusxada bosildi.
Nashr ko'rsatkichi — 220.
t — Tijorat materiallari

O'ZA yakuni —
Topshirilgan vaqti — 20:20.

Gazeta O'zbekiston Matbuot va axborot agentligida
0006-raqam bilan 2007-yil 11-yanvarda ro'yxatga olingan.

«Sharq» nashriyot-matbaa aksiyadorlik kompaniyasi
bosmaxonasida chop etildi.
Korxonaning manzili: Buyuk Turon ko'chasi, 41-uy.
Gazeta ofset usulida, A-2 formatida bosildi. Hajmi — 4 bosma taboq.

ISSN 2010-7633



Газетанинг электрон саҳифасига
ўтиш учун QR-кодни телефонингиз
орқали сканер қилинг.

1 2 3 4 5 6

Sotuvda kelishilgan narxda

Gazeta haftaning chorshanba kuni chiqadi. «O'zbekiston ovozi» materiallarini ko'chirib bosish faqat tahririyat ruxsati bilan amalga oshiriladi.



TAHRIR HAY'ATI:

Ulug'bek INOYATOV
Ulug'bek VAFOYEV
Maqsuda VORISOVA
Qalandar ABDURAHMONOV
Guliston ANNAQILICHEVA
Muslihidin MUHIDDINOV
Hayotxon ORTIQBOYEVA
Shuhrat ISLOMOV
Toshtemir XUDOYQULOV

MUASSIS:

O'zbekiston
XDP
Xalq demokratik partiyasi

O'ZBEKISTON
XALQ DEMOKRATIK
PARTIYASI
MARKAZIY KENGASHI